



Na osnovu člana 5. 6. i 41. Zakona o kontroli i ograničenoj upotrebi duhana, duhanskih i ostalih proizvoda za pušenje ("Službene novine Federacije Bosne i Hercegovine" broj 38/22) i člana 38. Statuta Općine Hadžići ("Službene novine Kantona Sarajevo" broj: 15/09, 17/12, 10/13 i 14/13 – ispravka, 11/18 i 1/20) Općinski načelnik d o n o s i

O D L U K U O ZABRANI PUŠENJA

I

Odlukom o zabrani pušenja (u daljem tekstu: Odluka), u cilju zaštite zdravlja zaposlenika Općine Hadžići, zaštite stranaka, posjetilaca, lica koja povremeno ili privremeno borave u prostorijama u kojima su smješteni zaposlenici Općine Hadžići i svih korisnika usluga Općine Hadžići, uređuje se provođenje zabrane pušenja u prostorijama Općine Hadžići, svim drugim prostorijama u kojima su smješteni zaposlenici Općine Hadžići i u službenim vozilima.

II

U smislu ove Odluke pod nazivom zaposlenici podrazumjevaju se lica koja su u radnom odnosu na neodređeno ili određeno vrijeme, lica na stručnom osposobljavanju bez zasnivanja radnog odnosa, lica angažovana ugovorom o djelu ili ugovorom o autorskim honorarima, angažovani spoljni saradnici bez obzira koju funkciju, odnosno poslove obavljaju u Općini Hadžići.

III

Pušenje je zabranjeno u svim radnim prostorijama Općine Hadžići, radnim prostorijama u kojima su smješteni zaposlenici Općine Hadžići, prostoru za obavljanje službenih radnji kao i pripadajućim prostorijama (u daljem tekstu: radne prostorije) i u službenim vozilima.

Pušenje je zabranjeno na radnim sastancima i sjednicama organizovanim u radnim prostorijama Općine Hadžići, a ova zabrana se odnosi i na vanjske korisnike radnih prostorija Općine Hadžići i na druga lica koja povremeno ili privremeno borave u radnim prostorijama Općine Hadžići.

IV

Provođenje zabrane pušenja obavezan je osigurati rukovodilac organa državne službe Općinski načelnik, odnosno državni službenici koji rukovode organizacionim jedinicama, sekretar Općinskog vijeća i Općinski pravobranilac.

V

U radnim prostorijama mora biti vidno istaknut grafički znak zabrane pušenja sa tekstom koji glasi "ZABRANJENO PUŠENJE".



VI

Osim odgovornosti zbog narušavanja zakonskih odredbi, osoba koja se zatekne da puši u prostorijama iz odredbi III ove Odluke, za isti prijestup može odgovarati i prekršajno prema Zakonu o kontroli i ograničenoj upotrebi duhana, duhanskih i ostalih proizvoda za pušenje (“Službene novine Federacije Bosne i Hercegovine” broj 38/22).

Zaposlena lica u Općini Hadžići koja se zateknu da puše prostorijama iz odredbi III ove Odluke, osim odgovornosti iz stave 1. ovog člana mogu odgovarati prema zakonskim i podzakonskim propisima koji uređuju oblast disciplinske odgovornosti.

VII

Za provođenje odredbi ove Odluke Općinskom načelniku su odgovorni rukovodioci službi, a njima šefovi odsjeka ukoliko su postavljeni, te sekretar Općinskog vijeća i općinski pravobranilac koji će po zahtjevu Općinskog načelnika podnositi izvještaj o provođenju mjera utvrđenih ovom Odlukom.

VIII

Odluka stupa na snagu 28.05.2023. godine od kada se i primjenjuje, a objavljuje se na oglasnoj ploči Općine Hadžići i oficijelnoj web stranici Općine Hadžići.

Radi provođenja odredbi ove Odluke i upoznavanja zaposlenika sa istom, dostavlja se pomoćnicima Općinskog načelnika, sekretaru Općinskog vijeća i općinskom pravobraniocu.

Broj: 02-04-1-5368/23
Hadžići, 25.05.2023. godine

OPĆINSKI NAČELNIK

Hamdo Ejubović, dipl.ing.maš.

